

RVSSIA SIVE MOSCOVIA.

Hæ fere omnes & ad usum Olerum, & ad voluptatem privatos habent hortos. Singulae regiones singula habent facella. Arces præterea duas habet quarum una *Kitaigorod*, alter *Bolsigorod* appellatur, quas hinc Moschus, illinc Neglinna alluunt. Porro in universa hac Russiæ parte sunt plures alii tractus. *Volodimiria* Ducatus, cujus titulus magnus Dux sibi vindicat, nomen habet ab urbe primaria, sita in ripis Clesmæ amnis, qui in Volgam evolvitur. Provinciæ autem hujus ager adeo fertilis est, ut ex uno Tritici modio sepe viginti modii proveniant. *Novogrodia* inferior illi pastione, agrorum fecunditate nihilo cedit. Urbem habet lineam, dictam communi cum universo Ducatu nomine *Novogrod*, sitam ad Volgæ & Occæ confluentes. Hæc summam semper obtinuit dignitatem propter incredibilem ædificiorum numerum, latissimique & piscosi lacus oportunitatem, & vetustissimi ac venerabilis apud illam gentem Templi famam, quod ante quingentos pene annos Byzantium Cæsares æmulatione, S. Sophiæ dicarum fuit. Arx hoc loco memorabilis, summis impensis a Basilio Duce ex lapide in scopulo exstructa. Distat omnino urbs a Moschovia c milliaribus Polonicis, ad Rigam vero proximum littoris portum paullo minus quingentorum milliarium iter est. *Rhezan* Provincia est inter Occam fluvium & Tanaim, Tritici Mellis Piscium, Avium fertilissima: urbes habet ligneas, *Rhezan* ad ripam Occæ sitam, & *Corfiram*, & *Collugam* & *Tullam*, juxta quam Tanais fontes conspiciuntur. *Worotimensis* ducatus tribus a Colluga miliaribus Civitatem habet & castrum ejusdem nominis. *Severia*, Ducatus est ingens & rebus omnibus adfluens; vastos habet & desertos campos: Opida complura, inter quæ præcipua hæc sunt *Starodub*, *Novogrod Sievierski* & *Czernigovi*, Silvæ Hermellis, Aspreolis & Martibus abundant, Mellis quoque copiam ingentem ex Apibus subministrant. Gens propter assidua cum Tartaris bella armis adsueta est & manu prompta. *Smolenski* Ducatus ad Borysthenem situs urbem habet cognominem, quam parte una Borysthenes alluit, parte altera cingunt altæ fossarum indagine acutis stipitibus armatæ. Sunt & Ducatus Provinciæque *Mosaiskia*, *Bielskia*, *Rschovia*, *Tuveria*, *Pskovia*, *Vodka*, *Corrella*, *Bieleiezioro*, *VVolochda*, *Vstinga*, *Iaroslav*, *Roštov*, *Duvina*, *Susdali*, *VViathka*, *Perma*, *Sibior*, *Jugra*, *Petzora*, & *Novogrodia magna*, quam illi vocant *Novvograd VVelki*, in qua urbs ejusdem nominis amplissima, ipsam Romam magnitudine superans. *Petzora* nomen habet a fluvio quem utrumque montes & invia rupes mutant. Sunt & aliæ regiones Magno Duci vestigales ad Septentrionem longo tractu terrarum porrectæ, ut *Obdora*, in qua est idolum *Zolota Baba*, hoc est aurea anus, *Condora*, *Lucomoria*, & *Lappin*. Sunt in Moschovia multi & magni Lacus, flumen Ruthenis *Ilmer*, *Ladoga*; Lacus albus incolis *Bieleiezioro*. Flumina etiam ampla & multa sunt: *Borysthenes* vulgo *Nieper* & *Nester*, vel cum adjectione litteræ *Dnieper* & *Dneſter* appellatur. *Turanus* is est Ptolemæo qui Herbersteinio est *Rubo*, incolis *Duvina*. *Rha* Ptolemæi nunc *Volga* & *Edel*. *Tanais* Italici *Tana*, accolis *Don*. *Occa* fluvii caput est in Provincia *Msczenek*. Montes *Ripheos* de quibus Plin. lib. 4. cap. 12. Mela etiam lib. 3. Baro ab Herberstein in sua Moschovia scribit, in sola Moscovia videri, qui, quia perpetuis nivibus & glacie rigeant, transiri facile non possint. Hercynia silva magnam Moschoviæ partem occupat, ipsaque passim positus ubique ædificiis incolitur, jamque longo labore hominum rarior facta, non

Lacus.
Flumina.

Montes.

Silva.